



ԿԵՍԱՐԱՀԱՅ ԿԱԶՄԱՐՎԵՍՏԻ ՊԱՏՄՈՒԹՅՈՒՆԻՑ (ԺԷ-ԺԸ դարեր)

Մաշտոցի անվան Մատենադարանի հարուստ հավաքածուի ձեռքի վրա՝ հայերեն ձեռագրերի մակագրություն ունեցող կազմերի հետազոտության մեր ծրագրի շրջանակներում ուշադրություն գրավեց ԺԷ դարի նրկորդ կեսին և ԺԸ դարի առաջին կեսին կեսարիայում ստեղծված արծաթե կրկնակազմերի ուշագրավ փաստը: Այս կամ այն ձեռագիրը մկարագրելու կամ ձեռքն ընկած ցույցը ներկայացնելու առիթով անցյալի և ներկայի հայագետներն արծարծել են այս խնդրին վերաբերող հուշարձաններ, որոնց առաջին ամփոփումը Հ. Բյուրտյանի «Կեսարիայի բնկերչական դպրոցին արծաթ կազմերը. ԺԷ դ.» ուսումնասիրությունում¹ է, իսկ նրկորդը՝ ներկա հոդվածը, որ ներառում է մահ 1950-ական թվականներից հետո շրջանառության մեջ դրված և Մաշտոցյան Մատենադարանի հավաքածուից մեր հայտնաբերած՝ առաջին անգամ հրապարակվող փաստերը:

Կեսարահայ կազմարվեստի դրվագները ներկայացնում ենք ժամանակագրական կարգով. ամեն անգամ բերելով և քննելով նույն հուշարձանին վերաբերող մկարագրական և մեկնաբանական տարրերը, ընդհանուր աղբյուրագիտական-քանասիրական ամփոփումը թողնում ենք հոդվածիս վերջին:

1. Պրինստոն համալսարանի (Նյու Ջերսի, ԱՄՆ) Robert Garrett հավաքածուի ձեռագիր N° 20. Ժամագիրք, ԺԷ² դ., 203 թերթ, թուղթ, 9x7x4 սմ մեծությամբ, բոլորգիր, 13 տող, արծաթագործ՝ «Օսմիրին Մ. Կարապետ», 1653 թ. «Ի Կեսարիա»: Ա փեղկին քանդակված է Հիսուսի Մանուղը. վերևում հրեշտակներ են, աջ կողմում՝ Մարիամ, Հովսեփ և նրկու այլ մարդ, կենտրոնում՝ մանուկ Հիսուսը մսուրի մեջ և նրկու կնիան: Բ փեղկին Սուրբ Երրորդությունն է: Թիկունքին ունի հետևյալ արձանագրությունը. «Ժամագիրքս այս արեալ հալալ ընչիս իր զարթարեցի արգարա Կեսարիա քաղաքին անարժան Հեռոք արգաթագործ Օսմիրին Մ. Կարապետ. թիկն ՌԺԲ (1653)»³:

¹ Հ. Բյուրտյան, Կեսարիայի սակերչական դպրոցին արծաթ կազմերը. ԺԷ դ., «Հասկ» հայագիտական տարեգրիք, Անթիլիոս-Լիբանան, 1948, էջ 51-61 (այսուհետ՝ Հ. Բյուրտյան, էջ...):

² Տե՛ս Զ. Մ. Վ. Արզումանյան, Հայերեն ձեռագրերը Հյուսիսային Ամերիկայում. Ա. Պրինստոն համալսարանի գրասենյակից հայերեն ձեռագրերը. «Բանբեր Մատենադարանի», հ. 11, նրկուն, 1973, էջ 377 (այսուհետ՝ Զ. Արզումանյան, «Բանբեր», էջ...): Զեռագրի գրչության ժամանակը ԺԴ դ. է:

³ Avedis K. Sanjian, A catalogue of medieval Armenian manuscripts in the United States, University of California Press, Berkeley - Los Angeles - London, 1976, p. 402. (այսուհետ՝ Ա. Սանջյան, էջ...), Զ. Արզումանյան, «Բանբեր», էջ 377-78, ինչպես նաև՝ Զ. Մ. Վ. Արզումանյան, Բրինձրոն համալսարանին սայերեն ձեռագրերը, «Արմեն», Երևան, 1971, էջ 265 (այսուհետ՝ Զ. Արզումանյան, «Արմեն», էջ...): Հ. Բյուրտյան, էջ 52, նկար 1 և 2 (արձանագրությունում Արզումանյանի մոտ Կեսարիա է. Բյուրտյանի մոտ՝ արծաթալիս արծաթագործ), Thomas F. Mathews and Roger S. Wieck, Treasures in Heaven (Armenian illuminated manuscripts), New York, 1994, p. 200, cat. 75, fig. 82. (այսուհետ՝ T. F. Mathews...):

2. Նյու Յորքի Pierpont Morgan Library, ձեռագիր W 7. Երգարան, 1418 թ., Երգմկայի շրջանի Կապուսի վանք, 282 թերթ, թուղթ, 11,5x8,3 սմ մեծությամբ, սիւսյուն, բուրդգիր մոտագրված, 15 տող, գրիչ և ծաղկող՝ Արիստակես Սեբաստացի, արծաթագործներ՝ Կարապետ և Հակոբ, արծաթակազմ 1653 թ., Կեսարիա: Ա փեղկին Երկրպագությունն է: Քառանգան և ելրոպական զգեստներով մի քանի իշխաններ ծնրադիր են, Պողոս և Պետրոս առաքյալներն իրենց հայացքն ուղղել են Քրիստոսի՝ փշե պսակի մեջ դրված մակագրությամբ: Բ փեղկին երիտասարդ Քրիստոսն է՝ շրջապատված նվագող 9 հրեշտակներով: Թիկունքի արձանագրությունից տեղեկանում ենք, որ Կարապետ և Հակոբ արծաթագործները կազմը 1653 թվականին պատրաստել են Կեսարիայում: Արձանագրված արծաթե թիկունքը ձղիսիններով ամրացված է երկու փեղկերին: Սիւլի Մեքյանը և Թոմաս Մաթյուսը գրում են, որ սա և շարքիս առաջին՝ Պրինստոնի համալսարանի № 20 ձեռագրի կազմը պատրաստված են մույմ տարում, հավանաբար մույմ Մ. Կարապետ Օսմանի ձեռքով և որ սրանք Կեսարիայից հասած ամենահին արծաթե կազմերն են, երկուսն էլ ունեն արևմտյան պատկերագրության մոտիվներ, որոնց ճշգրիտ աղբյուրը դեռևս պարզված չէ⁴:

3. Վենետիկի Մխիթարյան մատենադարանի ձեռ. № 1703 (ցուցակի՝ 70). Սաղմոսարան. ԺԵ-ԺԶ դդ., 203 թերթ, 10x7,7 սմ մեծությամբ, մագաղաթ, բուրդգիր, 17 տող, արծաթագործ՝ «Մալխասին Մ. Յակոբ», 1656 թ. «ի Կեսարիա»: Բ. Սարգիսյանը մշում է. «Տեղի՝ անյայտ, հաւանորէն Կեսարիայ, ուր Մ. Յակոբ քանդակել տուեր է ետքէն մի ուրիշ գործ եւս (ընդգծումը մերն է - Ա. Մ.): Կազմող անյայտ, իսկ քանդակագործն է Մալխաս և շիմել տուողն Մ. Յակոբ: Կազմ փայտեայ կաշեպատ, որում վրայ ետքէն, այն է ի թու. հայ. ՌԺԴ (=1655), ազուցուած են երկնագոյն կանաչ և մուս կապոյտ կիտումածակարներով արծաղեայ քանդակագործ պատեանք: Առաջին կողի քանդակը կը ներկայացնէ մեզ Սաւուէլ մարգարէն՝ քառանկյապետական տաղազով, որ կամարակապ սինագարդ տաճարի մը մէջ կ'օծէ զԴաւիթ թագաւոր, և շուրջանակի քառանկյաք և դետացիք, ոյք կը հարկանեն երածշտական գործիներ: Իսկ վերջնոյն վրայ ներկայացուած է - Սիոնի մէջ - թագազարդ մարգարէն Դաւիթ՝ ծնրադիր, որ քաղկատարած կ'աղօթէ՝ արքունական ճոխ ծիրանիները յետին սփռած, և սանթրոտը կոթմցուցած է սեպածն ժայռերուն, որ ի հանդիպոք վեր կը ծառանան: Իսկ վերև փորագրուած է, գամգուր ամպերուն վրայ, թևատարած հրեշտակ մը, որ իր աջովը բոցեղէն սուր մը վարկառած է դէպ ի աղօթատրոն, իսկ ձախին մէջ գանկ մը պինդ քոնած է»⁵: «Արծաթաքանդակ կողերուն միջև կապոյտ կիտումածակարին վրայ կայ ոսկեզօծեայ արծաթեայ երկաթագրով» հետևյալ

⁴ Տե՛ս T. F. Mathews, p. 196, cat. 68, Pl. 46. Խեղիճակներն ասում են, որ սա «Կարապետ (Մախմիթի)» և Յակոբ (Մախմիթի)» ձեռքի գործն է. քանի որ թիկունքի արձանագրությունը և լուսանկարը բերված չեն, այս տեսակետը բնական է չեմ կարող, ուստի և հողվածիս ամփոփման մեջ այս երկրորդ ձեռագրի մասին չեմ խոսելու:

⁵ Բ. Սարգիսյան, Մայր ցուցակ հայերեն ձեռագրաց մատենադարանին Մխիթարյանց ի Վենետիկ, և Ա. Վենետիկ, 1914, էջ 322 (այսուհետ՝ Ռ. Սարգիսյան, էջ...): Ինչպես վերև ասացինք, նկարագրության «Տեղի» հարցի տատանումների մեջ մշված է. «... հաւանորէն Կեսարիա, ուր մոյմ Մ. Յակոբ քանդակել տուեր է ետքէն մի ուրիշ գործ եւս»։ չկարողացանք պարզել, թե օրն է այդ «մի ուրիշ գործ»ը:

արձանագրությունը. «Սաղմոսս այս ար(ար)եալ հալալ ընչիս իւր՝ զարդարեցի արծաթաւ ամ(ա)րժամ ձեռօք արծաթագործ Մալխասիմ, Մ. Յակոբ. թիւմ հայոց Ռ. Ժ. Ե. վասն յիշելութեան ամենայն եւ գոհամալ փրկչին մերոյ Յիսուսի Քրիստոսի»⁶:

4. Նախկին Ավանյան հավաքածուի ձեռ. N° 186. Ավետարան. արծաթէ կազմի մեջքին կա. «Ավետարան այս ար. եալ հալալ ընչի իւր զարդարեցի արծաթաւ ի Կեսարիա քաղաքին անարժամ ձեռօք արծաթագործ Մալխասիմ Մ. Յակոբ. թվիմ Հայոց Ռ. Ժ. Թ. (1660) վասն յիշելութեան ամենայն և գոհամալ Փրկչին մերոյ Յիսուսի Քրիստոսի»⁷ արձանագրությունը:

5. Նույն հավաքածուի ձեռ. N° 185. Ավետարան. կոնակին այսպիսի արձանագրություն. «Ավետարան այս արարեալ հալալ ընչի իւր. զարդարեցի արծաթաւ ի Կեսարիայ քաղաքին ձեռօք արծաթագործ Օհանյան Մ. Գրիգորին թվիմ հայոց Ռ. Ժ. Ժ. (1661) վասն յիշելութեան ամենայն և գոհամալ Փրկչին մերոյ Յիսուսի Քրիստոսի»⁸:

6. Պրինստոն համալսարանի ձեռ. N° 21. Շարակնոց. Ժ. Է. 267⁹ թերթ. թուղթ, 16x11x6 սմ մեծությամ, մոտրգիր, 24 տող, գրիչ՝ Ալեքսան երեց, արծաթագործ՝ «Մալխասիմ Մ. Օհաննէս», 1670 թ. «ի Կեսարիա»: Կազմի առաջին փեղկին քանդակված է վերջին դատաստանը. Աստված երկմընի մեջ՝ շրջապատված փող հմշեցմող հրեշտակներով: «Զախիմ՝ դժոխք մերկայացմող կրակ, իսկ վարը, աջին՝ ձիավոր մը եւ երկու զինվորներ իրենց սուներով»: Փեղկի ստորին մասում արձանագրված է. «Թամօթ լիցին ամենեքեան որք չարչարեն զձառայսս քո»: Երկրորդ փեղկին քանդակված է «Այրի կմոջ լուսման. կիմը զանձանակի մեջ դրամ կը ձգե՝ կանգման տաճարի դրամ առջև. աջին՝ Քրիստոս և երկու աշակերտներ կ'մայիմ այրի կմոջ»: Փեղկի վերին մասում ունի հետևյալ արձանագրությունը. «Ժամագիրքս այս արեալ հալալ ընչիս իւր՝ զարդարեցի արգաթաւ Կեսարիա քաղաքին անարժամ ձեռօք արծաթագործ Մալխասիմ Մ. Օհաննէս թիւմ Ռ. Ժ. Ժ. (1670) վասն յիշելութեան ամենայն ժամ եւ գոհամալ փրկչին մերոյ Յիսուսի Քրիստոսի», իսկ ստորին մասում «Ուրախ եղէ ես ոյք ասէին ցիս ի տուն տեառն զմասցուք մեք» սաղմոսը¹⁰:

7. Վենետիկի Մխիթարյան մատենադարանի ձեռ. N° 1968 (ցուցակի՝ 845). Տոնացույց, 1671-ից առաջ, 150 թերթ, 13,5x10 սմ մեծությամ, մագաղաթ, 20 տող, ծաղկող և ստացող՝ խաչատուր, արծաթագործ՝ «Օհանիսիմ Մ. Յակոբ», 1671 թ. «ի Կեսարիա»: Կազմի շազանակագույն կաշի. միջուկը՝ տախտակ, աստաղդ՝

⁶ Բ. Սարգիսյան, էջ 324. Է. Բյուրյան, էջ 52, նկար 3: Թիշեղութեան բառի տեղ Բյուրյանն ունի յիշելութեան: Նշեմք, որ եսկայական Բյուր նշան է ամփոփած Ա. Ալադանյանի աչքից վրիպել է 1914 թվականին տղված՝ Վենետիկի ձեռագրացուցակի վերաբերյալ արծաթակազմի արձանագրությունը:

⁷ Է. Բյուրյան, էջ 52, նկար 4:

⁸ Է. Բյուրյան, էջ 52, նկար 5:

⁹ Զ. Արզումանյան, «Բանբեր», էջ 378՝ բերրաբանակը 269 է:

¹⁰ Ա. Սահյան, էջ 404: Զ. Արզումանյան, «Բանբեր», էջ 377-378 և «Սիմոն», էջ 266 («Բանբեր», էջ 378՝ ունի ընչից. «Սիմոն», էջ 266՝ ընչիս, եւ երկուսում էլ՝ թույն ձևերը). T. F. Matthews, p. 200 cat. 76, fig. 84: Է. Բյուրյանը, նկարագրելով Քրիստոսի համալսարանի N° 20 ձեռագիրը, անհասկանալի պատճառով չ'հետաքննեց ի հետո: N° 21-ը:

կարմիր տպածո կերպաս. արծաթապատվել է 1671 թ.: Ա փեղկի կեցությունում 8x4 չափի մեծությամբ պատկերված է Եսայի մարգարեի տեսիլը՝ ամպերի վրա շինված տաճարի դիմաց: Վերևում բազմած է Աստված՝ մակաճով և գմղով, շրջապատված հինգ սերովբեներով, մինչ մի հրեշտակ ունեղիով Եսայի մարգարեի քերամն է դնում հրաշեկ ածուխ: Այս պատկերի եզրերում կան զույգ-զույգ մարգարեների պատկերներ՝ մակագրությամբ. ութը աջից՝ Մովսես և Յեսու, Յոթ և Սամուել, Նաթան և Դաւիթ, Եղիա և Եղիսե, և ութը ձախից՝ Ուլսէէ և Ամովս, Միքիա և Յովել, Յոնան և Նաում, Ամբակում և Սոփոմիա, իսկ ներքևում Եսայի, Երեմեա, Դամիել, Մաղաքիա, Ջաքարիա, Աբդիու, Անգիա: Բ փեղկի կեցությունում, 10x5 չափի մեծությամբ ներկայացված է Յիսուսը՝ խոսելիս, տաճարի դիմաց, շրջապատված առաքյալներով: Պատկերից աջ, ձախ և ստորև տասներկու առաքյալներն են. աջում՝ Պետրոս, Պողոս, Անդրեաս, Յակոբոս, Թովմաս, ձախում՝ Բարդուղիմեոս, Յակոբ, Սիմոն, Թադէոս, Մատթեոս, ներքևում՝ Փիլիպպոս, Բառնաբա: «Բազմավեպի» ամստորագիր հոդվածի հեղինակը գրում է. «զսա և գՊողոս երկուտասանից թըլում դնելով, զարմանք է, որ արուեստատրն դուրս թողեր է զՅովհաննէս և զՅուդա Յակովբեան: Կոնակի արձանագրութեան ներքեմ ալ՝ Յիսուսի ազգահամարին մէջ յիշուածներէ՞մ՝ երեք ճահապետաց անուանք են, Աբրահամ. Փարիս. Նաասովն. առջին՞ ոչ միայն ճահապետ այլ և ազգապետ ըլլալով՝ վայելուչ էր յիշուիլն. միւս երկուքն ի՞նչ էր առաւելութիւնն քան զայլ ճահապետս, որ յիշուելու արժան համարուին. — Յովհաննէս առաքեալ և աւետարանիչն չիշողն՝ գիտէ զասոնք այլ յիշելու պատճառը. զոր կամ ինքն կարեւոր համարած է, կամ նույնպէս իրեն հետետող մ՝ ալ»¹¹: Թիկունքին ունի հետևյալ արձանագրությունը. «Երգարանս այս (ար)արեալ հալալ ընչիս իւր (ընչիքս) զարդարեցի արծաթաւ, Կեսարիա քաղաքին, անարժան ձեռօք, արծաթագործ Շահմիրին Մ. Յակոբ. թիւն Հայոց Ռ.Ժ.Ի. վասն յիշելութեան ամենայն ժամ և զօհանալ Փրկչին մերոյ Յիսուսի Բրիստոսի»¹²:

8. Ավետարան, 1499 թվական, վայր՝ Երուսաղեմ, արծաթապատված 1676 թվականին: Ա. Ալպոյաճյանը գրում է. «Հին արեւելեան տախտակեայ կաշեպատ կազմ... որում ո՞ր ոսկերիչին գործը ըլլալն ալ չենք գիտեր: Ձեռագիրը 1499-ին Երուսաղեմ գրուած Աւետարան մըն է, որ մէկը զմած է խանձառն գիւղին նկեղեցւոյն նուիրելու համար: Յետո՞յ 1571-ին ձեռագիրը կազմած է Պետրոս

¹¹ Ճաշակ մի Կեսարացի Հայ Ոսկերչութեան. — «Բազմավեպ», 1895, էջ 77 (այսուհետ՝ «Բազմավեպ», էջ...): Նկատենք, որ փորձված ձեռագրապետ և մեր ուսուցիչ Գևորգ Տեր-Վարդանեանը վստահ է, որ այս հոդվածի հեղինակը Գ. Ալիշանն է:

¹² Ս. Ջեմեմյան, Մայր ցուցակ հայերին ձեռագրաց Մատենադարանին Մխիթարյանց ի Վենետիկ, հ. Ե, Վենետիկ - Ս. Դազար, 1095, էջ 1015-1018. նաև՝ «Բազմավեպ», 1895, էջ 76-77. Հ. Բյուրաթյան, էջ 54, նկար 7: Հ. Բյուրաթյանը յիշելուքեմ բառի փոխարեն ունի յիշելուիւն. իսկ Ս. Ջեմեմյանը՝ յիշելոյն) ի բիւն: Մյուս տարբերությունները չենք նշում: Ավելացնենք նաև, որ Ս. Ջեմեմյանի ձեռագրագուցակի ամենամուսններից ցանկում՝ էջ 1230, միայն Յակոբ ամենամական տակ եւ «Շահմիր, 1671 թ., արծաթագործ ի Կեսարիա, էջ 1018» հղումը, այսինքն՝ «Շահմիրին Մ. Յակոբ» արտահայտությունը համարել է մի մարդու անուն: Նկարագրության «Տեղեկութիւնք» հարցի ըմբաց Ս. Ջեմեմյանը նշում է. «Տեղեկութիւնք» կը պակսից. հաւանաբար հին ժամանակներէ ի վեր արծաթեայ կողմը ցուցադրուած ըլլալով վանքիս քանգարանը՝ երկար առես սնացած է առանց ձեռագրական քուսհասարի, ու ապա ստացած է 1968 թիւը» (էջ 1016):

կրօնատր մը և նուիրած է Կեսարիոյ Ս. Աստուածածին եկեղեցւոյն: Կը թուի թէ 1676-իմ արծաթապատուած է կազմը, վասնզի արծաթին վրայ ըստ Տրդատ եպ. Պալեանի կը կարդացուէր Ռետեռեալ յիշատակարանը. «Օ(ի)ն(ե)ն(ա)ւ արծաթապատ. Սք. Աւետարան. ընչիք Մեմաստ Աննայի զանձանակին. ի վայելումն եկ(ե)ղ(ե)ցւոյ Սք. Ա(ստուա)ծածնին. ի թվին ՌժԻԵ (1676) ամեմ. յիշատակ է Ա(ստուա)ծածնին Կեսարեայ Կապաթովկին»: Դժբախտաբար ոսկերիչը փոյթ չէր ունեցած ճշմանկեղու իր անուը, իսկ Տրդատ եպ. Պալեան՝ լուսանկարելու»¹³:

9. Սաղմոսարան. ըստ Հ. Մկրտիչ վրդ. Պոտուրյանի տեղեկութեամբ, գտնվում էր J. Davis անունով մի ամերիկացու մոտ, «կողքը» արծաթով է զարդարված Կեսարիայում 1683 թվականին արծաթագործ «Շահպազին որդին Եղիային» ձեռքով¹⁴:

10. Սվաճյան Բաղաշաճուի «մէկ արծաթ կազմն է, որում յիշատակարանը կը կարդացուի. «Օհնեալ ի Կեսարիոյ քաղաքին ի թուին Հայոց Ռ.Ժ.Լ.Ձ. (1687)»¹⁵:

11. Պրահա. քարոնուրի Լանայի Բաղաշաճու. Ավետարան, անթվական, կազմը պատրաստված է 1691 թվականին, Կեսարիայում: Ֆ. Մակլերը մկարագրել է այս ձեռագիրը և, լուսանկարով Բանդերձ, ներկայացրել կազմի արձանագրությունը և նրա ֆրանսերեն թարգմանությունը, այսպէս.

«Աւետարանս այս արեալ Բա

լալ ընչիս իւր զարդարեցի

առծադաւ Կեսարիա քաղաք

իմ անառժամ ցէրոք արծա

դագործ Մալխասիմ Հանի

Կրտա. թիմ Ռժիս

վասն յիշելութիւն ամէ

նայմ ժամ եւ քոհանալ

փրկչին մէրօ Յս.ի Բս.ի»¹⁶:

12. Վիեննայի Մխիթարյան մատենադարանի ձեռ. № 416. Ժամագիրք, ԺԴ-ԺԵ դ., 200 թերթ, մագաղաթ, գրիչ և ծաղկող՝ Հովհաննես սարկավազ, արծաթագործ՝ «Մալխաս Մ. Կարապետ», 1691 թ. «ի Կեսարիա»: Կազմի «մէկ կողմն՝ Եմունդ, միւսն՝ Յարութիւն»: Հ. Տաշեանը մկարագրել է. «...արծաթի կողին վրայ քարձրաքանդակ դրոշմուած. նախ՝ առաջին կողին մկարի վերն՝ «Փառք ի քարձուծն Աստուծոյ եւ յերկիր խաղաղութիւն». տակը՝ «Եւ ծնաւ գորդին իւր զանդրամիկ եւ պատեաց զնա եւ ի խանձարուրս եւ ետ զնա ի մտոր, զի ոչ գոյր մ[ո]ղ[ա] տ[ե]ղի իջեալի»: Կողին կոմակը՝ «Ժամագիրքս այս արեալ Բալալ ընչիս իւր զարթ արեցի արծաթաւ, Կեսարիա քաղաքին, անառժամ ձեռօք արծաթագործ

¹³ Ա. Ալպոյանյան, Պատմություն Հայ Կեսարիոյ, Կոնստ. 1937, Կ. Բ. էջ 1515 (այսուհետ՝ Ա. Ալպոյանյան, էջ...): Հ. Բյուրոյան, էջ 54:

¹⁴ Ա. Ալպոյանյան, էջ 1517:

¹⁵ Հ. Բյուրոյան, էջ 54:

¹⁶ F. Macier, Notice d'un Tétraévangile Arménien de la collection Lanna (Prague). — *Ravue des études Arméniennes*, t. VI, Paris, 1926, p. 29-30. Նախ՝ Ա. Ալպոյանյան, էջ 1516: Թե՛ «ակերի և թե՛ Ա. Ալպոյանյանի մօտ արձանագրությունը ներկայացված է մասնակի սխալներով: Առաջնորդվել ենք Ֆ. Մակլերի տպած լուսանկարով:

Մալխասն Մ. Կարապետ, թիւն Ռ.Ժ. (=1871)¹⁷ վասն յիշողութեան ամենայն ժամ եւ գոհանալ փրկչիմ մերոյ Յիսուսի Քրիստոսի»։ ասոր տակ երեք մամր կիսարձան-ճկարիկներ, որոնց ներքեւ գրուած է անունները՝ «Արարհամ, Փարէս, Նաասովմ»¹⁸։ «Բազմավէպ»-ի վերոնշյալ անստորագիր հոդվածի հեղինակը գրում է. «Եւ է սա Մալխաս արծաթագործն Կեսարացի, որ առաջինէն քսան տարի մի վերջը, 1891, նոյնպիսի արծաթեայ կազմ մի շինած է ժամագրոց, նմանաբան արծաթագործեանք կոնակին. «Ժամագիրքս այս (ար)արեալ հալալ ընչիս... արծաթագործ Մալխասն Մ. Կարապետ: Թիւն Ռ. Ժ. Ն. վասն յիշողութեան», և այլն: Այս արծաթագործեան ներքեւ այլ կան այդ երեք նահապետաց անուններն: Իսկ երկու երեսաց առաջինն վրայ պատկերացեալ է Մնունդ Փրկչին, սովորական ծանօթ կերպով, հովիւներով, հրեշտակներով և այլն, և քանի մի աւետարանի խօսքերով. միւս երեսն ներկայացնէ զՅարութիւն Քրիստոսի, զերեզմանովմ, պահպանօք, հրեշտակով և իշխաբեր կանամքք: Ասոնց ստորագրութիւնն և պատկերատարութիւնը՝ գուցէ օր մի ի յոյս հաճէ մեր բարեկամն ստացող, լատագոյն կերպով և իր մանրակրկիտ ոճով, եղէ կ'արժէ...» - ավարտում է հեղինակը¹⁹:

13. «Վեներտիկի Միխրաբեանց հաւաքման մէկ արծաթակազմ Աւետարանն է սա յիշատակարան-արծաթագործեանք արծաթ կազմին կոնակը. «Աւետարանս այս ար.եալ հալալ ընչիս իւր զարդարեցի արծաթաւ Կեսարիա քաղաքին ամարժան ձեռք արծաթագործ Մալխասին Մ. Կարապետ թիւն Ռ. Ժ. Ն. (1891) վասն յիշողութեան ամենածան և գոհանալ Փրկչին մերոյ Յիսուսի Քրիստոսի»²⁰:

14. Նյու Յորքի The Metropolitan Museum Art, ձեռ. N° 1899. Ավետարան, ԺԳ դ., 301 թերթ, մագաղաթ, 25.5x17 սմ մեծությամբ, բոլորգիր, 19 տող, արծաթագործ՝ «Աստուածատուր Ծահափր», 1891 թ. «ի Կեսարիա»: Ա փեղկին Քրիստոսի Մնունդն է, վերևում՝ հովիվների հալսովները, հրեշտակների խումբ, աստղին՝

¹⁷ Պետք է լինի Ռ.Ժ. (= 1891):

¹⁸ 2. Տաշյան, Յուզակ հայերեն ձեռագրաց մատենադարանին Միխրաբյանց ի վիճեմա, Վեներտ, 1895, էջ 889-870, առաջին է, պատկեր 4: Տե՛ս նաև Ա. Ալպոյանցյան, էջ 1514-1515: 2. Բյուրոյան, էջ 52-54, նկար 6:

¹⁹ «Բազմավէպ», էջ 77: 2. Տաշյանը, ծանոթագրութեան մեջ հղելով «Բազմավէպի» նշված հոդվածը (էջ 870), գրում է. «Ճիշդ մեր ձեռագրին կազմին հետ նոյն կազմ ունի Ռ.Ժ. Թիւն (=1871) Տեղացոյց. Պարգատուփար եւ ժամանագրութեան (Ժամակարգութեան - Ա. Մ.) երգաց մատենան մը, նոյնպէս Կեսարիա քաղաքում՝ արծաթագործ Շահմիր Մ. Յակոբէն...»: Հիշելով Վեներտիկի Միխրաբյանց հավաքածուի N° 1888 ձեռագիրը, առժապագոօժ «Շահմիր Մ. Յակոբ», 1871 թ.: 2. Տաշյանը ոչինչ չի գտնում արծաթագործ «Մալխաս Մ. Կարապետ»-ի 1891 թ. պատրաստած կոնակագրի մասին: Ենթադրելի է, որ «Բազմավէպ»-ում նկարագրված հրկրորդ ձեռագիրը Վիճեմայի Միխրաբյանց հավաքածուի N° 410 ձեռագիրն է: Բազմավէպի նկարագրութեանը համեմատելով Տաշյանի ցուցակի է տախտակի լուսնկարի հետ, կարող ենք վստահ ասել, որ այս ձեռագրերը նույնն են: Նույն կարծիքն է նաև Գևորգ Եր.-Վարդանյանը, ավելին, նա համոզված է, որ Ղ. Ալիշանի «Ասոնց ստորագրութիւնն և պատկերատարութիւնը» գուցէ օր մի ի յոյս հաճէ մեր քաղցկամն ստացող, լատագոյն կերպով և իր մանրակրկիտ ոճով՝ արտահայտութիւնը (ընդգծումը մերն է - Ա.Մ.) վերաբերում է հենց 2. Տաշյանին: Բյուրոյան, էջ 54 ձ. ասում է. «Ալպոյանցն իր վերոյիշեալ գործին մէջ Ռ.Ժ. (1891) նշանակած է սխալամբ». կարծում ենք, որ Ա. Ալպոյանցյանի նշած կազմի պատրաստման բվականը ճիշտ է:

²⁰ 2. Բյուրոյան, էջ 55, նկար 8: Նշենք նաև, որ այս ձեռագիրը չգտանք Բ. Սարգիսյանի Մար ցուցակի հայերեն ձեռագրաց մատենադարանին Միխրաբյանց ի վեներտիկ, Ե. Ա. Վեներտիկ, 1914, էջ 373-794: Ավետարանների քանակը. հավաքարար հավաքածու է մտել 1914 թվականին հետո:

մոգերի հետևելը: Եզրերում խաղողի որթի մման կապույտ և կամայ կիսաթափանցիկ արձն է, մասամբ ուկեջուր, տեղադրված ակներով: Գազաթի և մերքևի կենտրոնում պահպանված է մեծ գմրուխտ՝ բյուրեղապակե զարդաքանդակ մեքքով, շրջապատված 3 մոմաքարով և 3 փիրուզե զանգվածներով, յուրաքանչյուր անկյունում զանգվածեղ փիրուզե շրջապատված է 4 մոմաքարով: Աջ եզրի կենտրոնում փիրուզե զանգված է, ձախ եզրի կենտրոնում՝ շափուղե ապակի, յուրաքանչյուրը շրջապատված է 3 օտար մարգարիտով և 3 գմրուխտով: Վերևում և մերքևում բյուրեղապակե կամայ զարդաքանդակներով եզրագծերի կենտրոնական խմբեր են՝ շրջապատված մոմաքարերով: Բ փեղկի մերկայացված է Հարության պատկերը՝ կնքված գերեզմանով, քնած զինվորներով և այլն: Ետևում կամայ և կապույտ կիսաթափանցիկ էմալ է: Էմալի վրա խաղողի որթի եզրագիծ է, մասամբ ուկեջուր, թանկարժեք ակերով: Կենտրոնի զազաթին և հատակին շափուղագույն ապակի է՝ վերևում և մերքևում մոմաքարով, ամեն կողմում գմրուխտ: Վերին աջ անկյունում 4 ակով շրջապատված գմրուխտ է, ավելի մերքև՝ աջ, մի մոմաքար, մնացած երեքը ընդօրինակումներ են: Վերին ձախ անկյունում մեքքեղի քարը բացակայում է, սյուսները մոմաքարեր են: Ներքևի ձախ անկյունում գմրուխտ է՝ շրջապատված 4 մոմաքարով, վերին աջ անկյունում ընդօրինակություն է: Եզրերում ընդօրինակված տպագրությունների խումբ է՝ շրջապատված 4 ընդօրինակված շափուղներով, վերևում և մերքևում մի օտար մարգարիտ: Մեքքին ռոմբաձև կաղապար է, վերևի և մերքևի եզրերը կարված են ուկեջուր քարծրություններով, տեղադրված են 6 մոմաքար և 118 ապակե կամ բյուրեղապակե ակեր:

Ա փեղկի վերևում ունի. «Փարք ի բարձունս Աստուծոյ եւ յերկիր խա», մերքևում. «Աւետարանս այս արեալ հալալ ընչիս իւր աղօթելու եւ զօհանալ Փրկչին մերոյ Յիսուսի Քրիստոսի»²¹: Կազմի մեքքին ունի. «Եւ զարդարեցի արծաթաւ ի թվմ Հայոց ՌԺՆ (= 1891) ամարժան Աստուածատուր Ծախամիրին ի քաղաքն Կիսարիա կարօղութեամբն Աստուծոյ» արձանագրությունը²²:

15. Մաշտոցյան Մատենադարանի ձեռ. N° 10369. Ավետարան, ԺԷ դ., Եվդոկիա*, 248 թերթ, թուղթ, քուրդգիր, երկայուն, 23 տող, գրիչ և ծաղկող՝ Մկրտիչ (Ջահանկար), տաքող՝ Հովհաննես չելեպի, արծաթե կրկնակազմ ԺԷ դ. վերջ: Կրկնակազմ թիթեղները 22,9x15,8 սմ չափի են՝ պատրաստված դրվագման եղանակով: Ա փեղկին պատկերված է Քրիստոսի Մուրնը՝ գառնարած հովվով, աստղին հետևող մոգերով, հրեշտակներով և այլն: Բ փեղկին պատկերված է Քրիստոսի Հարությունը: Վերևում, ամպերի մեջ, հրեշտակներով շրջապատված Քրիստոսն է՝ կանգնած, ձեռքերն աջ ու ձախ բացված: Ներքևում պատկերված են 12 առաքյալները, որոնց միջև 2 հրեշտակներ են: Թիկունքին, վերևում Հայր Աստվածն է՝ ձախ ձեռքին գունդ, իսկ մերքևում Մարիամն է՝ թազը գլխին, ձեռքերն

²¹ Տե՛ս Լ. Գ. Միմասյան, Հայերեն երկու գոչագիր Նյու Յորքի «Հանրային գրադարան»-ում, «Հայնագիտական հանդես», հ. Դ, Բեյրութ, 1973, էջ 170 և լուսանկար էջ 171: Հեղինակը նկարագրել է միայն Ա փեղկը՝ ձեռքի տակ ունենալով փեղկի լուսանկարը, իսկ բուն ձեռագիրը տեսնել չի հաջողվել:

²² Ա. Սաքեյան, էջ 471-472. T. F. Mathews, p. 183, cat. 50, fig. 79.

իրար միացրած²³։ Արդյո՞ք սա Մալխաս Մ. Կարապետի կամ Աստվածատուր Օսթափրի պատրաստած կրկնակազմն է, դժվարանում ենք ասել²⁴։

16. Փարիզի Լուվրի Ռմավաճառանոցում 150,000 ամերիկյան դոլարով այժմ վաճառվում է մի Ավետարան (Akron-London). 1700 թ. «ի Թոխաթ», 256 թերթ, թուղթ, 27×20,2 սմ մեծությամ, երկայուն, բոլորգիր, 21 տող, գրիչ՝ Գեորգ, ծաղկող՝ Միքայել, արծաթե կրկնակազմ՝ 1700-ի շուրջ, «ի Կեսարիա», արծաթագործ՝ ամհայտ։ Ա փեղկի կենտրոնում մերկայացված է մամուկ Բրիստոսի Գալուստը տաճար՝ շրջապատված 12 խորաններով, յուրաքանչյուրը երկու դիմանկարով՝ մերկայացնելով 24 մարգարեներ։ Այս տեսարանի մեքենում, փոքրիկ խորանում, մերկայացված է Մարիամի Ավետումը՝ շուշանների փումջ բռնած հրեշտակով և վերևից իջնող լույսի ճառագայթներով։ Ներքևի շրջանակը զարդարված է 8 վարդաքանդակներով, որոնց էմալը գունավորած է մուգ կապույտ, կապույտ, դեղին և կանաչ։ Բ փեղկի կենտրոնում Համբարձումն է։ Աստվածածինը կանգնած է ճառքյալների երկու խմբի մեջտեղում։ Ջերովքի գլուխը հայտնվում է վերին ամկյունի վերևի ամպից. Բրիստոսը մտած, մի ձեռքին բռնել է բացված փաթույթը, իսկ մյուս ձեռքով օրհնում է. 4 հրեշտակները մերսի մասում են՝ յուրաքանչյուր կողմից mandorla բռնելու փոխարեն։ Տասներկու խորանները, մերկայացնելով 12 առաքյալներին, լրացնում են արտաքին եզրը։ Ներքևի կենտրոնական խորանը պատկերում է Բրիստոսի Մկրտությունը՝ մի հրեշտակի ուղեկցությամբ Հովհաննես Մկրտչի կողմից, և Սուրբ Հոգու իջնելը։ Կազմի ստորին խումբը զարդարված է 8 վարդաքանդակով՝ Ա փեղկի վարդաքանդակների մեջ²⁵։

17. Բալթիմորի Walters Art Gallery, ձեռագիր W 540. Ավետարան, 1475 թ., 260 թերթ, թուղթ, 26,6×18 սմ մեծությամ, բոլորգիր, երկայուն, 22-23 տող, գրիչ՝ Արիստակես, արծաթակազմ՝ պատրաստված մոտավորապես 1700-ական թթ., Կեսարիա։ Ա փեղկին պատկերված է մոգերի Երկրպագությունը, երկնքում 3 քերական է, իսկ մեքենում երեքնուկաձև կառուցված 4 զարդ։ Բ փեղկին Համբարձումն է. Բրիստոսը՝ պարզած ձեռքերով, շրջապատված 4 հրեշտակներով, մեքենում Աստվածածինն է՝ պարզած ձեռքերով, շրջապատված առաքյալներով։ Միլիի Մերյամը և Հելեն Էվանը գրում են, որ թեև կրկնակազմն անթվական և առանց արձանագրության է, սակայն կազմերի ոճական և տեխնիկական առանձնահատկությունները լավ քաղդատված են Կեսարիայում պատրաստված այլ կազմերի հետ։ Երկու թիթեղների եզրերը խաղողի որթի ձևի են՝ զարդարված էմալով, թանկարժեք և կիսաթանկարժեք քարերով։ Միշտ մույնը կարող ենք գտնել Metropolitan Museum of Art-ի Ավետարանի կազմերի վրա՝ պատրաստված 1691 թ. Կեսարիայում Աստվածատուր Օսթափրի ձեռքով։ Համբարձման համանման կառուցվածքայնություն գտնվում է մահ մախկին Սվաճյան հավաքածուի N° 185

²³ Տե՛ս ՄՄ. ձեռ. N° 10369:

²⁴ Հմտ. աստ 11-րդ և 13-րդ ձեռագրերի կրկնակազմերի Ա փեղկերի նկարագրությունները:

²⁵ Catalogue 4. A Selection of Manuscripts Through the Ages, Les Enluminures, 1995, p. 145. N° 41. T. F. Mathews, p. 145 cat. 1, Pl. 47, fig. 81.

ձեռագրի կազմի վրա՝ պատրաստված կեսարիայում Մ. Գրիգոր Օսեպազի ձեռքով 1661 թ. կամ 1701 թ.²⁶:

18. Բալթիստորի Walters Art Gallery, ձեռագիր W 542. Ավետարան, 1488 թ., եկեղյաց գավառի Օգսենտի վանք. 281 թերթ, թուղթ, 25x18,3 սմ մեծությամբ, երկայուն, բոլորգիր, Չ1 տող, գրիչ՝ Ղազար քահանա, արծաթակազմ՝ մոտ 1700-ին, կեսարիա: Ա փեղկին Հայտնությունն է, Բ փեղկին՝ Համբարձումը: Սիլվի Մեդյանը և Թոմաս Մաթյուսը նշում են, որ Հայտնության տեսարանը կառուցվածքայնորեն ճիշտ նույն է, ինչ Ակրոն-Լոնդոնի Ավետարանի Ա փեղկինը և Փարիզի ճախկին Ավաճյան հավաքածուի՝ համար չունեցող ձեռագրիները: Համբարձման պատկերը Ակրոն-Լոնդոնի ձեռագրի Բ փեղկի փոփոխակն է: Walters-ի ձեռագրի պատկերները ցածրադիր են, ինչպես՝ Ակրոն-Լոնդոնի Ավետարանում և Walters-ի 540 ձեռագրի Հայտնության և Համբարձման պատկերներում: Այդուամենայնիվ, Walters-ի ձեռագրի փեղկերի եզրերը տարբերվում են. երկու փեղկերին կամ քերովքների այլ կառուցվածք, վարդազարդեր, կրկնակ կոր գծեր: Բացի դրանից, արծաթե թիթեղները, ի տարբերություն Ակրոն-Լոնդոնի կազմի, երբեք արձնապատված չեն եղել²⁷:

19. Բոստոնի Հանրային գրադարանի ձեռ. N° 1. Մաշտոց, 1698 թ., 157 թերթ, թուղթ, 15.5x10.3 սմ մեծությամբ, նոտագիր, 23 տող, արծաթագործ՝ «Մալխասին Մ. Կարապետին», 1704 թ. «ի Կեսարիա»: Ա փեղկի մեջտեղում հրեշտակներով շրջապատված Աստծո պատկերն է, որի շուրջ քանդակված են տասնչորս մարգարեները՝ իրենց անուններով: Բ փեղկին քանդակված են տասներկու առաքյալները՝ իրենց անունների մակագրությամբ, իսկ կենտրոնում Քրիստոսն է: Ձեռագրի մեջքին կա հետևյալ արձանագրությունը. «Մաշտոցս այս Մուրատ որդի տեղ Աբրահամին զոր ինքն ըստացաւ եւ զարդարեց արծաթաւ Կեսարիա քաղաքին ձեռամբ արծաթագործ Մալխասին սուրբ Կարապետին. թվմ. ՌԺՄԳ (= 1704)»²⁸:

20. Մաշտոցյան Մատենադարանի ձեռ. N° 10411. Սաղմոսարան, ԺԶ դար, 322 թերթ, 9x6 սմ մեծությամբ, թուղթ, բոլորգիր, միասյուն, գրիչ՝ Հերապետ Հոռվկայեցի, արծաթագործ՝ «Մալխասին Մ. Կարապետին», 1704 թ. «ի Կեսարիա»: Կրկնակազմը 8,9x6,4x4,7 սմ չափի է՝ պատրաստված ձուլման և դրվագման եղանակներով²⁹: Ա փեղկի բարձրաքանդակների մեջտեղում պատկերված է Դավիթ մարգարեն՝ նստած, թագը գլխին, թիկնոցով, ձեռքին՝ քնար: Բնարի վրա նստած է թևերը ծալած հրեշտակ, իսկ ներքևում բացված գիրք է: Մարգարեի

²⁶ Տե՛ս T. F. Mathews, p. 150, cat. 9, fig. 80.

²⁷ Տե՛ս T. F. Mathews, p. 152, cat. 11, fig. 83.

²⁸ Ա. Սանջյան, էջ 336: Մուցակի 335-336 էջերում բերված է գրչության հիշատակարանը. «Աստուռ եղև Մաշտոցս յետնեալ ասնդոր Խիկար երեցե, յ թվականիս ՌՃԽԷ (=1698), ի ապրիլ ամսոյն ԺԷ. ին. ի վայելումն Մուրատի՝ օրդի տեղ Աբրահամին, զոր ինքն ըստացաւ զայս իւր հալալ արդեալքն: Զոր եթէ հանդիպի՞ զայս՝ կարդալով կամ հորեւանցի տեսանելով յիշեցէ՞ մի հալալ մեղայիւ, զոր Տէոս զձեզ ողորմեսցի. ամեն: Հայր մեր: Արձանագրության մեջ, մեր համոզմամբ, բերված օտար բառի փոխարեն պետք է կարդալ Մ. տառը. Մ տառը ընկալվել է թրև կապի՝ ՄԲ համառոտագրություն: Տե՛ս նաև T. F. Mathews, p. 156, cat. 15, fig. 78.

²⁹ Տե՛ս Ա. Մալխասյան, Հայերեն ձեռագրերի կազմերը և նրանց պատրաստման եղանակները. «Էջմիածին» ամսագիր, 1995, N° 2, էջ 75-80:

ետևում երևում է եկեղեցու սյուն, որի վերևից դեպի մարգարեմ է իջնում աղավաակերպ Սուրբ Հոգին: Ա փեղկի բարձրաքանդակի մերքևում կա երկաթագիր. չափաձո արձանագրություն:

«Գ(Զ)ՆԱՐ Ի ԶԵՌԻՆ ԴԱԽԻԹ ՄԱՐԳԱՐԷ,

ԶԵՐԳ ԱՐՈՒՐԵ ՍԱՂՄՈՍԻՆ ՀՈԳԻՈՎ ԶԱՐԴԱՐԷ»³⁰:

Բ փեղկին Եմոդյան պատկերն է, վերևում հրեշտակների միջև քանդակված ժապավենին կա այսպիսի արձանագրություն. «Ի ԲԱՐԸ(Ջ)ՈՒԻՆՍ ԱՎՍՏՈՒՇՈՅ և ԵՐԿԻՐ ԽԱՂԱՂՈՒԹՅԻՆ»³¹. Խակ մերքևում, բարձրաքանդակների տակ՝ «և ԵՄԱԽ ԶՈՐԴԻՆ ԻՐ ԶԱՆԴՐԱՆԻՆԻԿ և ՊԱՏԵԱՑ Ի ԽԱՆԶԱՐՈՒՐՍ և ԵՐ ԶԱՆ Ի ՄՍՈՒՐ, ԶԻ ՈՉ ԳՈՅՐ ՆՈՑԱ ՏԵՂԻ ՅԻԶԵԽԱՆԻՆ» արձանագրությունը: Զեռագրի թիկունքին՝ վերևում, կիսախորանի մեջ պատկերված է Հայր Աստված՝ մագաղաթե փաթույթը ձեռքին, իսկ մերքևում, խորանների մեջ, լուսապսակներով երեք մահապետներն են՝ «ԱՐՐԱՆԱՄ, ՓԱՐԷՍ, ՆԱԱՍՈՎԱՆ» մականությունը: Թիկունքի մեջտեղում բուն արձանագրությունը՝ հիշատակարանն է.

«ՍԱՂՄՈՍԱՐԱՆՍ ԱՅՍ /ՄՈՒՐԱՑ ՈՐԴԻ ՏԻ(Է)Ր ԱՐԱՆԱՄԻՆ, ԶՈՐ ԻՆՔՆ ԸՍՏԱՑԱԽ և /ԶԱՐԴԱՐԷՑ ԱՐՇԱ/ԴԱԽ ԿԵՍԱՐԻԱ ՔԱՂ/ԱՔԻՆ ԶԵՌԱՄԲ /ԱՐՇԱԹԱԳՈՐՇ ՄԱ/ԼՆԱՍԻՆ Մ. ԿԱՐԱՊԵ/ՏԻՆ, ԹՎԻՆ ՌԾԹ (1704)»³¹ (մկար 1):

21. Մաշտոցյան Մատենադարանի ձեռ. № 10356. Ծաշոց, 1679 թ., Եվդոկիա, 326 թերթ, 38,7×25,3 սմ մեծությամ, թուղթ, բոլորգիր, երկսյուն, 40 տող, գրիչ և ծաղկող՝ Մկրտիչ երեք, կազմող՝ Աստվածատուր, ստացող՝ մահուեսի Կիրակոս, արձանագործ՝ «Օմհմիրին Մ. Յակոբ», 1741 թ. «Ի Կեսարիա»: Կրկնակազմ թիթեղները 39,3×25,2 սմ չափի են՝ պատրաստված ձուլման, և դրվագման եղանակներով: Կրկնակազմի Ա փեղկին պատկերված է գեղեցիկ մեծ խորան, որից դուրս, վերևի ձախ և աջ կողմերում ամպերին կանգնած շեփորահարող մեկական հրեշտակներ են: Խորանի մերսում քանդակազարդ գեղեցիկ սյուններով փոքր եկեղեցու կամ խորանի պատկեր է: Վերևի ձախ և աջ պատվանդանաման սյունների Ղուկաս և Հովհաննես ավետարանիչներն են՝ իրենց խորհրդանշաններով՝ եգ և արծիվ, որոնցից ցած, երկու այլ սյան վրա մտած են մեկական վեցթևյան հրեշտակներ: Կենտրոնում մեղալիոնաման շրջանակ է, մերսում պատկերված է Աստվածամոր թագադրումը. Աստվածամայրը կանգնած, ոտքերի տակ՝ օձ, իսկ վերևում, ձախ և աջ կողմերում՝ Քրիստոսը (կրոր լուսապսակով, ձեռքին խաչ) և Հայր Աստվածը (եռանկյուն լուսապսակով, ձեռքին գավազան) Աստվածամոր գլխին պահել են մի թագ, որի միջև աղավաակերպ Սուրբ Հոգին է: Փեղկի

30 Մաշտոցյան Մատենադարանի ձեռագրերի արձանագրությունները վերանայիս ոգտագործել ենք ընդունված հետևյալ նշանները.

[] — լրացվում են հաջորդված տառերն ու տառաշարքերը.

() — վերծանվում է թվականը. ներկայացվում է ճիշտ տառը.

/ — նշում է տողի սկիզբը:

Ողղագրական սահմանված կանոններից շեղվող տառերը ներկայացված են բավ, իսկ կազմությունները՝ ընդգծված:

31 Տե՛ս ՄՄ. ձեռ. № 10411:

ներքևում, բարձրաքանակների տակ կա երկաթագիր Ռեուսեալ արձանագրությունը:

«ԳԻՐՔԱՍ ԱՅՍ ԱՐԻՍՏՈՒՆԱԼ ՀԱՆԱԼ ԸՆԶԻՍ ԻՐ ԶԱՐԴԱՐԵՑԻ ԱՐԾԱԹԱՆԻ ԿԵՍԱՐԻՍԱ ԶԱՂԱՔԻՆ /ԱՆԱՐԺԱՆ ՑԻՋԵՐԻՈՒԹԱՆ ԱՐԾԱԹԱԳՕՐԾ ԾԱՀՄԻՐԻՆ Մ. ՅԱԿՈԲ, ԹԻՆԻ ՀԱՅՈՑ /ԹԺՂ (1741), ՎԱՍՆ ՑԻԾԵԼՈՒԹԵԱՆ ԱՍԷՆԱԿՅՈՒՆ ԺԱՄ և ԳՕՀԱՆԱԼ ՓՐԿԶԻՆ ՄԵՆՐԻՈՅ ՑԻՍՈՒՄԻ ԶԻՍՈՒՄԻ»:

Բ փեղկի կրկնակազմը Քար և մամ է Ա փեղկին, տարբեր է միայն մեղալիոնաձև շրջանակի պատկերը. այստեղ Աստվածամայրն է՝ Բրիստոսը գրկին (Բրիստոսի երկրորդ և երրորդ մատները բացված), վերևի ձախ և աջ կողմերում երկու Ռեբշտակ թագ են պահել Աստվածամոր գլխին, իսկ մեջտեղում աղավանակերպ Սուրբ Հոգին է: Վերևի ձախ և աջ պատվանդանաճամբն այնպիսի մատթեոս և Մարկոս ավետարանիչներն են իրենց խորհրդանիշներով՝ մարդ և առյուծ³² (նկար 2):

Այսպիսով, ներկայացված³³ քսանմեկ ձեռագրերն այժմ պատկերված համառոտակի՝ ըստ կրկնակազմի պատրաստման թվականի, ձեռագրի թվանդանկության և արձաթագործի:

1653 թ. - Ժամագիրք, արձաթագործ՝ Օսմանյան Մ. Կարապետ:

1659 թ. - Ծրգարան, արձաթագործ՝ Կարապետ և Յակոբ:

1656 թ. - Սաղմոսարան, արձաթագործ՝ Մալխասիմ Մ. Յակոբ:

1660 թ. - Ավետարան, արձաթագործ՝ Մալխասիմ Մ. Յակոբ:

1661 թ. - Ավետարան, արձաթագործ՝ Օսմանյան Մ. Գրիգորի:

1670 թ. - Ծարակնոց, արձաթագործ՝ Մալխասիմ Մ. Օհաննես:

1671 թ. - Տոնացույց, արձաթագործ՝ Օսմանյան Մ. Յակոբ:

1676 թ. - Ավետարան, արձաթագործ՝ անհայտ:

1683 թ. - Սաղմոսարան, արձաթագործ՝ Օսմանյան Եղիշ Եղիա:

1687 թ. - թվանդանկություն և արձաթագործ՝ անհայտ:

1691 թ. - Ավետարան, արձաթագործ՝ Մալխասիմ Հաճի Կարապետ:

1691 թ. - Ժամագիրք, արձաթագործ՝ Մալխասիմ Մ. Կարապետ:

1691 թ. - Ավետարան, արձաթագործ՝ Մալխասիմ Մ. Կարապետ:

1691 թ. - Ավետարան, արձաթագործ՝ Աստվածատուր Օսմանյան:

³² Տե՛ս ՄՄ. ձեռ. N° 10356: կրկնակազմի փեղկերը, հավանաբար, սխալ են տեղադրվել. ըստ ավետարանիչների և մեղալիոնի պատկերների թեմաների տրամաբանական հաջորդականության՝ Ա փեղկին պատկերված թիթեղը պետք է փակցվեր Բ փեղկին, իսկ երկրորդին՝ առաջինին:

³³ Բերված հուշարձաններից բացի, Հ. Գյուրտյանն իր ուսումնասիրության տասներկուերորդ ձեռագիրը նշում է Վենետիկի N° 186 Ավետարանը, սակայն վստահ չէ. «Կրճալ Կեսարիայ շինուած արծաթ կազմ մը ըլլայ»: Բերում է Կեսարիայի Տումարգա գյուղում 1630 թվականին գրված հիշատակարանը և ավելացնում. «... արձաթակազմին վրայ կը կարդացուի» «Յ(ի)շ(ա)ռ(ա)կ է սր. անտարանս սուրբ Թորոս եկեղեցին՝ Ապրառնով Ակթին Աննա Սուլդան Մուրատին» (տե՛ս Հ. Գյուրտյան, էջ 65, նկար 8 և 10: նաև՝ Բ. Սարգսյան, Կ. Ա. էջ 778, ձեռ. N° 1707 (ցուցակի՝ 186). նշեմք, որ Բ. Սարգսյանի մոտ Ապրառնով բառի փոխարեն Արառնով է, իսկ ԱՅՏ առաջի փոխարեն և է, այսինքն՝ Ակթին և Սուլդան Մուրատին): Կրկնակազմը, ըստ ամենայնի, պատրաստված է Ամիդում, ուր վստահաբար կար Ա. Թորոս եկեղեցի:

ԺԷ դ. - Ավետարան, արծաթագործ՝ անհայտ.

1700 թ. - Ավետարան, արծաթագործ՝ անհայտ (Akron-London).

1700 թ. - Ավետարան, արծաթագործ՝ անհայտ (Walters MS W 540).

1700 թ. - Ավետարան, արծաթագործ՝ անհայտ (Walters MS W 542).

1704 թ. - Մաշտոց, արծաթագործ՝ Մալխասիմ Մ. Կարապետիմ.

1704 թ. - Սաղմոսարան, արծաթագործ՝ Մալխասիմ Մ. Կարապետիմ.

1741 թ. - Ընաչոց, արծաթագործ՝ Ծառմիրիմ Մ. Ցակոբ:

Ինչպես տեսնում ենք, Կեսարիայում գործել են բազմաթիվ արծաթագործներ, որոնց նրբին աշխատանքներն այժմ էլ անզնափառելի արժեք ունեն: Նրանց մեջ ավելի հաճախակի են հիշատակվում Մալխաս և Ծառմիր անունները: Իսկ ովքե՞ր են Մ. Կարապետը, Մ. Հակոբը և մյուսները, ձեռագրի տե՞րը, պատվիրատո՞ւմ, կազմո՞ղը. կամ ի՞նչ է նշանակում արծաթագործություններում հիշատակված Մ. գիրը:

Բազմապեպի ամանուն հեղինակը, նկարագրելով 1671 թվականին կազմված Տոմացոյցը, ավելացնում է. «Թե՛ Ծառմիր և Ցակոբ նոյն անձն է, թե՛ միմ արուեստատուրն և միւսն տաքողն, և թէ ի՞նչ նշանակէ երկու անունաց մէջ Մ. տառն, յաքողաց մնացն ստուգելիք (Մահտեսի)»...³⁴: Իսկ Հ. Քյուրտյամը գրում է. «Անմիջապէս ճշդեմ որ անուններում մէջ գործածուած «Մ» համառօտագրութիւնն է «մահտեսի» պատուանուան կամ տիտղոսիմ որ ընդհանրապէս Երուսաղէմ այցելող մեր մայրնիք, այդ թէ կին, առհասարակ կը սիրէին գործածել: Ուրեմն թուրք մեր այս յիշած Կեսարացի արծաթագործները այցելած էին Երուսաղէմ, որոնք կ'երեսայ թէ Սաղէմի մէջ յիշատակներ չեն թողուցած որ չեն յիշուիր Աղանուսի Սրբազանի «Միաբանք և Այցելութեք» գործին մէջ: Դիտել տամ թէ 10րդ յիշատակարանի մէջ (թարոնուհի Համայնի հապաքածու- Ա. Մ.) Մալխասին հաճի Կարապետ կը յիշուի արծաթագործը, որ իր միւս գործերում մէջ կը յիշէ ինք յինքը իբր Մալխասիմ Մ. Կարապետ, այսպէս վերցնելով որեւէ կասկած թէ «Մ» կը նշանակէ մահտեսի կամ հաճի»³⁵:

Ա. Ալպոյաճյանը գրում է. «...մեր ձեռքը գտնուած երեք մմանահանութիւնները ցոյց կու տան թէ ԺԷ. դարում ոսկերչութիւնը խիստ զարգացած էր Կեսարիոյ մէջ ուր այնքան նրբարուեստ գործեր կրնային շինուիլ:

Հաւանորէն այս արուեստը Կեսարիա փոխադրած էին Պարսկաստանէն եկող Հայերը, վասնզի ինչպէս յայտնի է Վանի, Դարեծի և մօտաւոր շրջաններու մէջ ոսկերչութիւնը, մամաւանդ արծաթագործութիւնը շատ զարգացած էր:

Մասնատրապէս դիտել կու տամ թէ առ այս նշանակելի փաստ է վերոգրեալ երեք ծանօթ արծաթագործներում, Մ. Ցակոբ Ծառմիրեանի, Մ. Կարապետ Մալխասեանի և Եղիա Ծառպազեանի մականուններու պարսկական ծագումը որ կրնայ փաստ համարուի ման իրենց նոյն տեղէն ծագմանը՝ կա՛մ ծննդեամբ և կա՛մ սերունդով:

³⁴ «Բազմապեպ», 1895, էջ 77:

³⁵ Հ. Քյուրտյան, էջ 58:

Ասոնց կամ իրենց իսկ իրենց արձեանքը փոխադրած են Կեսարիա կամ իրենց Ռորենական արձեանքը զանկե զանակ շարունակած»³⁶:

Հ. Քյուրտյանը համակարծիք է. «Այս արծաթագործներուն ամուսնները՝ Ծաֆֆիր, Ծաֆպագ, Մալխաս, մեզի ալ եմթադրել կուտամ որ ծագմամբ Պարսկահայ արծաթագործներ էին ասոնց՝ ԺԷ. դարուն սկիզբը Կեսարիա գաղթած: Ընդունելի է Ալլաօյանեանի տեսութիւնը...»: Նա գրում է. «Յիշատակարանները մեզի կուտամ ոչ միայն արծաթ կազմերուն շինութեան վայրն ու թուականը, այլ մաքուր կուտամ արծաթագործ վարպետներուն ամուսնները: Ասոնցմէ կ'իմանամք թէ արծաթագործ Ծաֆֆիր Մ. Կարապետ կը գործէր 1653ին, իր որդին կամ եղբայրը ըլլալու է Ծաֆֆիրին Մ. Յակոբ արծաթագործը (1671ին): Մալխասի որդի Մ. Յակոբ (1656, 1660) արծաթագործը և իր կուտան եղբայրը Մալխասի որդի Մ. Կարապետ (1671, 1691 երկու տարբեր կազմեր) ծանօթ այս 12 կազմերէն ինքն իրենց շինած են: Իսկ Ծաֆպագի որդի Մ. Գրիգոր (1661) և իր ըստ երեսնոթին կուտան եղբայրը Եղիամ 1683ին կ'ամբողջացնեն ամուսնները մեզի ծանօթ կազմարարներուն»³⁷:

Այսպիսով, եթե ընդունենք Բ. Սարգիսյանի կարծիքը, այսինքն՝ արծաճագործութեան ներքին ճիշտակամբ ամուսնները համարենք իբրև երկու տարբեր մարդկանց ամուսններ՝ կազմողի և ստացողի, ապա Մալխաս արծաթագործի պատրաստած՝ մեզ հայտնի կրկնակազմերն ընդգրկում են 1656 թ. (մեկ ձեռագիր), 1660 թ. (մեկ), 1670 թ. (մեկ), 1691 թ. (երեք), 1704 թ. (երկու ձեռագիր) ժամանակահատվածը: Այսինքն՝ ստեղծագործական ավելի քան հիսնամյա աշխատանք: 1656 և 1660 թվականների կրկնակազմերի վրա հիշատակվում է Մալխասին Մ. Յակոբ ձեռք, 1670 թ.: Մալխասին Մ. Օհաննէս, իսկ մնացած դեպքերում հիշատակվում է Մալխասն կամ Մալխասին Մ. Կարապետ կամ Մ., Հաճի Կարապետին ձեռքով: Կարելի է եմթադրել, որ գրի համար քիչ տեղ ունենալով՝ արծաթագործը փորձել է ավելի հակիրճ ներկայացնել իր աւելիքը:

Այս ամենից եզրակացվում է, որ Մալխաս արծաթագործը 1656, 1660 թվականներին արծաթակազմերը պատրաստել է մահտեսի Հակոբի պատվերով, 1670-ին՝ մահտեսի Օհաննէսի, 1691 թվականին՝ մահտեսի կամ հաճի Կարապետի, իսկ 1704 թվականին Մալխասը և մահտեսի Կարապետը միասին են պատրաստել ձեռագրերի արծաթակազմերը (տառնիմներորդ և քսաներորդ ձեռագրեր), որոնց վրա հստակ զշված է միևնույն պատվիրատուի կամ ստացողի անունը՝ «Մուրատ որդի տէր Աքրահամին»: Մալխասի դեպքում որևէ խնդիր չկա:

Խնդիրը Ծաֆֆիրի դեպքում է: Ծաֆֆիր արծաթագործի պատրաստած՝ մեզ հայտնի կրկնակազմերն ընդգրկում են 1653 թ., 1671 թ., 1691 թ., 1741 թ. (մեկական ձեռագիր) ժամանակահատվածը: 1653 թ. հիշատակվում է Ծաֆֆիրին Մ. Կարապետ ձեռք, 1671ին՝ Ծաֆֆիրին Մ. Յակոբ, 1691ին՝ Աստուածատուր Ծաֆֆիրին, 1741ին՝ Ծաֆֆիրին Մ. Յակոբ ձեռք: Այսինքն, Ծաֆֆիրը 1653 թ. կատարել է մահտեսի Կարապետի պատվերը, 1691 թ. Աստուածատուրի, իսկ 1671, 1741 թթ. մահտեսի Հակոբի պատվերները:

³⁶ Ա. Ալլաօյան, էջ 1517:

³⁷ Հ. Քյուրտյան, էջ 56:



Նկար 1. ՄՄ. ձեռ. 10411, արծաթագործ՝ «Մայիլասին Մ. Կարապետ», 1704 թ.



Նկար 2. ՄՄ. ձեռ. 10956, Ա փեղկ, արծաթագործ՝ «Շահմիրին Մ. Յակոբ», 1741 թ.



Նկար 9. ՄՄ. ձեռ. 10958, Բ փեղկ, արծաթագործ՝ «Ծառմիրիմ Մ. Յակոբ», 1704 թ.

Ինչպես մկատում եմք, Ծառմիրի ստեղծած կազմերի պատրաստման թվականներն են 1653, 1671, 1691 և 1741: Այսինքն՝ այս կազմերի միջև ընկած է 88 տարի ժամանակ: Մնում է ընդունել, որ Ծառմիրը երկարակյաց է եղել և մվազագույնը 110 տարեկան հասակում պատրաստել է մեան շքեղ արծաթակազմ, որ քիչ հավանական է, կան էլ ընդունել մույմանում երկու մարդու առկայությունը:

Խնդրին այս ձևով մոտեմալու դեպքում չլուծված է մնում ման 1656, 1671 և 1741 թվականներին հիշատակվող պատվիրատու Մ. Հակոբի խնդիրը. գուցե այս դեպքում էլ պետք է հավանական համարել մույմանում երկու մարդու առկայությունը:

Եթե ընդունենք Բազմավեպի անամում հեղինակի (Ղ. Ալիշանի), Հ. Տաշյանի, Ա. Ալպոյանյանի, Հ. Բյուրոյանի և մյուսների տեսակետը, այսինքն՝ արձանա-

գրություններում հիշատակված արծաթագործներին համարենք մի մարդ՝ Մալխաս Մ. Յակոբ կամ Օաֆմիր Մ. Յակոբ, այսինքն՝ Մալխաս և Օաֆմիր տոհմերի արծաթագործների, ապա Մալխաս տոհմի արծաթագործների պատրաստած կազմերն ընդգրկում են 1656-1704 թվականների ժամանակահատվածը. Մալխաս Մ. Հակոբ արծաթագործը 1656, 1660 թվականներին կազմել է երկու ձեռագիր, Մալխաս Մ. Օհաննեսը 1670-ին կազմել է մեկ ձեռագիր, մրա եղբայր Մալխաս Մ. կամ Հաճի Կարապետը 1691-1704 թվականներին կազմել է հինգ ձեռագիր (ինչպես մշել ենք, սրանցից միայն երկուսի՝ 1704 թվականին կազմած Սաղմոսարանի և Մաշտոցի կազմերի վրա է հիշատակված միևնույն ստացողի՝ Մուրատ որդի տեր Աթրաֆամի անունը):

Իսկ Օաֆմիր տոհմի արծաթագործների պատրաստած կազմերն ընդգրկում են 1653-1741 թվականների ժամանակահատվածը. Օաֆմիր Մ. Կարապետը 1653 թվականին կազմել է մեկ ձեռագիր, Աստուածատուր Օաֆմիրը 1691 թ.՝ մեկ ձեռագիր, իսկ մրանց ազգական Օաֆմիր Մ. Յակոբը 1671, 1741 թվականներին կազմել է երկու ձեռագիր: Մ. Հակոբ Օաֆմիրի վերջին այս երկու ձեռագրերի միջև ընկած է 70 տարի ժամանակ: Ձեռքի տակ չունենալով 1671 թվականի կրկնակազմի լավորակ լուսանկար³⁸ և Ալպոյաճյանի ընթերցումը ստուգելու հնարավորություն՝ կարող ենք միայն ենթադրել, որ գուցե ավելի ճիշտ կլիներ թվականը կարդալ ՌՇՆ (1691). սա ավելի հավանական է, ակտի ունենալով մաս Կիենմայի Մխիթարյան հավաքածուի N° 416 ձեռագրի արծաթակազմի պատրաստման թվականի ՌՇՆ (1691)-ի ՌՇՆ (1671) ընթերցումը, միաժամանակ՝ Մաշտոցյան Մատենադարանի N° 10356 ձեռագրում հստակ է Ղ տառը՝ ՌՇՂ (1741):

Նկատենք մաս, որ հիշատակվող արծաթագործներից միայն 1691 թվագրված կրկնակազմի արձանագրությունում հիշատակվող Աստվածատուրը չունի մահ-տեսի տիտղոսը, և իրեն չի համարել արծաթագործ: Օգտագործելով կաղապարային մույն արտահայտությունները՝ Աստվածատուրը խմբագրել է այն հետևյալ ձևով. «Աստարանս այս արեալ հալալ ընչիս իւր աղօթելու եւ զօհանալ Փրկչին մերոյ Յիսուսի Բրիստոսի: Եւ զարդարեցի արծաթաւ ի թվմ Հայոց ՌՇՆ (=1691) անարժան Աստուածատուր Օաֆմիրին» և այլն: Այսինքն՝ եթե Աստվածատուրը մահտեսի լիներ, հնարավոր է արձանագրված լիներ որպես Օաֆմիրին կամ Օաֆմիրին Մ. Աստվածատուր ձևով: Աստվածատուր Օաֆմիրին ձեռ ենթադրել է տալիս, որ հիշատակված անունները կարելի է կարդալ մաս որպես Մ. Հակոբ Մալխասին, Մ. Կարապետ Օաֆմիրին, կամ Մ. Հակոբ Օաֆմիրին ձևերով (այսպես. «Գիրքս այս արեալ հալալ ընչիս իւր զարդարեցի արծաթաւ Կեսարիա քաղաքին անարժան ձեռք արծաթագործ Մ. Յակոբ Օաֆմիրին» և այլն):

Վերջապես կրկնակազմերից միայն երկուսի վրա է հստակ հիշատակված ստացողի անունը: Մնացած թուր արձանագրություններում հիշատակված են, մեր համոզմամբ, կազմարարների անունները՝ ըստ իրենց տոհմանունների:

³⁸ Ա. Ալպոյաճյան, էջ 1515՝ լուսանկարը տպված է անհստակ, ուստի և դժվարանում ենք բավական ճշգրիտ ընթերցել:

Այսպիսով, Կեսարիայում հիմնականում գործել են Մալխաս և Ծառմիր կամ Ծառամիր արծաթագործների տոհմերը, ինչպես նաև Ծառպազ տոհմից Մ. Գրիգոր (1681) և Եղիա (1683) արծաթագործները:

Հետաքրքիր է նաև այն հանգամանքը, որ Մալխաս և Ծառմիր տոհմերի կազմարարները, որոնց գործերից հասել են ոչ քիչ քանակով օրինակներ, ունեն Մ. Կարապետ և Մ. Հակոբ անունները (քաջառենք Օհաննեսին և Աստվածատուրին, որոնք, ըստ թողած արձանագրությունների, կազմել են մեկական ձեռագիր):

Կազմարվեստի պատմության քննության ընթացքում իբրև օժանդակ նյութ պետք է անպայման մկատի ունենալ և օգտագործել եկեղեցական ծիսական իրերի (ոսկե և արծաթե ամրոթների, մասնատուփերի, վարագույրների, ծածկոցների և այլ տեսակի գործվածքների) արձանագրությունները, որոնք մեծապես մպաստելու են առաջացած խնդիրների լուծմանը:

ԱՐՄԵՆ ՄԱԼԽԱՍՅԱՆ

